



# Laerskool Swartkop

H/v Viking & Campbell weg Valhalla 0185 Posbus 21025 Valhalla 0137  
Tel 012-654-1181 Faks 086-560-1819  
e-pos [kantoor@laerskoolswartkop.co.za](mailto:kantoor@laerskoolswartkop.co.za) Besoek ons webwerf by [www.swartkop.co.za](http://www.swartkop.co.za)

22 Oktober 2021

Beste Ouers en Voogde,

## Skoolfooie vir 2022 (Graad 1-7)

Die Skoolfooie en terme vir 2022 is soos volg deur die ouers tydens die Algemene Jaarvergadering op 13 Oktober 2021 goedgekeur:

Graad 1-7 (Totaal vir die jaar R19 070 per leerder)		
Betaling	Betaalbaar teen	Bedrag
5% afslag indien <b>ten volle betaal</b> voor of op <b>28 Februarie 2022</b> (korting van R954)		<b>R18 116</b>
<b>Paaielement 1*</b>	Betaalbaar voor of op <b>7 Jan 2022</b> of met inskrywing gedurende die jaar <b>ongeag datum van inskrywing</b>	<b>R2 370 pm</b>
<b>Paaielement 2 tot 11</b>	10 maandelikse paaielemente (Feb – Nov) vooruit betaalbaar nie later as 7de van elke maand	<b>R1 670 pm</b>
<b>Naskool (maandeliks vooruit-betaalbaar Jan-Nov)</b>	NB: Een kalendermaand skriftelike kennis moet gegee word van kansellasië. Naskoolleerders word toegang geweier indien gelde nie stiptelik betaal word nie	<b>R1 050 pm</b>

**3de en 4de leerders van gesin in hierdie skool word gehêf teen 75% van skoolfooie (Gr R uitgesluit)**  
Totaal vir die jaar **R14 303** per leerder

Betaalbaar teen	Bedrag
Betaalbaar voor of op <b>7 Jan 2022</b> met inskrywing gedurende die jaar ongeag datum van inskrywing	<b>R1 773</b>
10 maandelikse paaielemente (Feb – Nov) vooruit betaalbaar nie later as 7de van elke maand	<b>R1 253</b>

### Terme en Voorwaardes

\***Paaielement 1** is betaalbaar met inskrywing, ongeag datum van toelating. Alle gelde wat inbetaal word, word **eerstens aangewend ter delging van skoolfooie** (Gr RR tot 7), daarna word naskoolfooie, toergelde ens. aangespreek. Ten einde behoorlike finansiële bestuur van die skool te verseker, is die skool afhanklik van die stiptelike betaling van skoolfooie deur ouers. Die kontantvloëibegroting van die skool laat ongelukkig nie ruimte toe vir skoolfooie verpligtinge wat nie nagekom word nie.

- Die betaling van skoolfooie is 'n **statutêre (wetlike) verpligting** en betaalbaar in terme van die Suid-Afrikaanse Skolewet 84 van 1996.
- Skoolfooie is ten volle en streng vooruit betaalbaar voor of op die 7de van die maand.
- Die vergunning om maandelikse betaling te maak verval onmiddellik indien 'n ouer met **een paaielement agterstallig raak** en is die volle jaarlikse skoolfooie dan onmiddellik opeisbaar en betaalbaar.
- Indien enige ouer se rekening langer as **7 (sewe) dae uitstaande** is sal die skool geregtig wees om sodanige ouer as 'n wanbetaler te lys by kredietburo's.
- Indien enige ouer se rekening langer as **30 (dertig) dae uitstaande** is, sal die skool geregtig wees om regsaksie in te stel vir die invordering van die balans van die skoolfooie vir die volle skooljaar.
- Kragtens **Artikel 39 en 40** van die Suid-Afrikaanse Skolewet 84 van 1996, is **beide ouers en voogde** gesamentlik en afsonderlik aanspreeklik om die verpligte skoolfooie te betaal en mag die skool betaling van hierdie verpligte gelde afdwing.

- Ingevolge **Artikel 41 (5) (b)** van die Wet en die versuiming om skoolfooie te betaal, behou die skool die reg voor om ingevolge Artikel 41 van die Wet, regstappe in te stel teen **beide ouers en voogde** vir die invordering van die uitstaande skoolfooie.
- U ontvang slegs een rekeningstaat waarop die skool- en naskoolfooie verskyn. State word maandeliks per e-pos aan alle ouers gestuur. Slegs ouers wat nie 'n e-pos adres het nie, ontvang state per hand.
- **Indien u, om watter rede ookal, geen staat ontvang nie, vrywaar dit u steeds nie van u verpligting om stiptelike betalings te maak nie.** Die onus rus op u om te verseker dat die skool die korrekte kontakbesonderhede vir beide ouers / voogde het.
- Kom tref asb. betyds 'n reëling indien u probleme ondervind om u skoolfooie te betaal.

### Kaartfasiliteit en Zapper

Die skool beskik oor kaartfasiliteite. U is welkom om enige betalings by die skool met u kaart te doen.

Ons is ook geregistreer vir Zapper en kan u voortaan sekere projekte by wyse van 'n QR kode betaal – spesifieke QR kodes sal aan u voorsien word.

### Bankbesonderhede

Vir alle EFT inbetalings:

**Bank:** Absa Bank Tjekrekening

**Rekening:** Laerskool Swartkop

**Takkode:** 632005

**Rek nr:** 16606 700 48

**Verwysing:** **Familiekode** + Waarvoor u betaal (bv **1234 Snr Revue**)

### Debietorderbetalings

Debietorders is die metode wat deur die skool verkies word vir skoolfooie betalings, maar is nie verpligtend nie. Indien u van 'n debietorder gebruik wil maak vir die betaling van die skoolfooie, moet u asseblief die **finansiële kantoor kontak vir die korrekte** vorm, dit volledig voltooi en so spoedig moontlik inhandig of per e-pos stuur na [debiteure@laerskoolswartkop.co.za](mailto:debiteure@laerskoolswartkop.co.za). **Debietorders word jaarliks hernu en word ingestel vanaf Januarie tot November en sal verhaal word op die datum wat u op die vorm aandui (1ste, 16de of 26ste).**

U moet asseblief die skool verwittig indien u 'n debietorder wil kanselleer. Ouers wat alreeds van debietorders gebruik maak hoef nie weer 'n magtiging te voltooi nie. Skoolfooie sal outomaties in 2022 aangepas word en van u rekening verhaal word.

### Toere en Kampe

Aangesien toere / kampe vrywillig is, sal geen leerling toegelaat word om toer / kampfondse te betaal in plaas van skoolfooie nie. Die beginsel van "oudste skuld eerste" geld waar skoolfooie agterstallig is. Enige betaling op 'n leerder se rekening sal afgaan teen die oudste skuld op die mees onlangse rekeningstaat. Waar 'n bevredigende skriftelike skulderkenning vir uitstaande skoolfooie bestaan of indien daar met baie goeie skriftelike redes deur die toer / kamporganiseerder aangevoer word waarom 'n leerder die toer / kamp **moet** bywoon, mag daar moontlik vergunning gemaak word op diskresie van die Beheerliggaam. NB: Daar is dikwels ouers wat leerders wil borg. Kontak ons gerus indien u 'n behoefte het om hiervan gebruik te maak. U inligting sal as uiters konfidensieel hanteer word.

### Ander betalings (Skoolfooie, Kampe, DVD bestellings ens)

Alle EFT inbetalings moet asb. met u familiekode as verwysing inbetaal word. Maak asb. by die finansiële kantoor seker wat die korrekte verwysing is voordat u 'n betaling maak.

### D6 Connect vir amptelike kommunikasie en kontantlose betalings

Die skool maak van die d6 Connect App gebruik vir amptelike kommunikasie. U word versoek om dit af te laai en daarop te registreer met u kind se Identiteitsnommer sodat u al ons inligting (nuusbriewe, rapporte, skoolfooie, huiswerk ens) daarop kan sien. Dit bied ook die opsie van kontantlose inbetalings deur van die 'Beursie' funksie op die toepassing gebruik te maak. U betaal 'n bedrag in die beursie in, en betalings kan vir enige fondsinsameling of projek vanuit hierdie beursie aan die skool gemaak word. Dit is baie veilig om te gebruik.

### Vrystellings

Volgens die nuutste wysigings, soos gepubliseer in die Staatskoerant no. 29311 gedateer 18 Oktober 2006, en soos bespreek tydens die Algemene Ouer Jaarvergadering gehou op Woensdag, 13 Oktober 2021, mag sekere ouers binne bepaalde voorwaardes kwalifiseer vir gedeeltelike of algehele vrystelling vir die betaling van skoolfooie. Ouers moet **ELKE JAAR** opnuut aansoek doen om vrystelling. **Vrystellingsvorms is vanaf Januarie 2022 beskikbaar en kan slegs persoonlik afgehaal word deur die ouer by Me A Meiring in die finansiële kantoor.** Geen vorm sal vir 'n kind gegee word nie. In die bepaling van algehele of gedeeltelike vrystelling neem die Beheerliggaam in terme van die regulasie in die staatskoerant die bruto salaris van beide ouers in berekening as 'n persentasie van die skoolfooie. **Vrystellingsvorms moet voor 28 Februarie 2022 persoonlik ingehandig word.** Alle vrystellingsvorms wat ingehandig word na genoemde datum, moet vergesel wees van 'n brief waarin u die laat indiening motiveer.

**Ons wil graag die volgende versoeke aan u rig**

- Hou ons asb. op datum indien u e-posadres, posadres en kontakbesonderhede verander.
- Kom tref betyds 'n reëling indien u probleme ondervind om die skoolfooie paaient te betaal.
- Ten einde behoorlike finansiële bestuur van die skool te verseker, is die skool afhanklik van die stiptelike betaling van skoolfooie deur ouers en kan ons sodoende geleenthede vir alle leerders skep om op alle gebiede deel te neem en te presteer.

Baie dankie vir u volgehoue ondersteuning en lojaliteit teenoor Laerskool Swartkop. Indien u enige navrae het, is u welkom om met ons kontak te maak.

Dankie vir u samewerking.



**Mnr M van der Merwe**  
Skoolhoof



**Mnr P Fourie**  
Tesourier



**Mnr J Strauss**  
Voorsitter Beheerliggaam